



Broj: 07-05-2808/12
Sarajevo, 24.04.2012. godine

SKUPŠTINA KANTONA SARAJEVO
Služba za skupštinske poslove

Predmet: Odgovor na poslaničko pitanje

Poslanik Branislav Crnogorac, na nastavku Dvanaeste Radne sjednice Skupštine Kantona Sarajevo, održane dana 05.03.2012. godine, u okviru tačke dnevnog reda "Poslanička pitanja, inicijative i odgovori", postavio je sljedeća poslanička pitanja:

"Tražim od resornih ministarstava da revidiraju, realizuju i ocijene izvještaj u posljednjih pet godina, pravnih lica u nadležnosti Kantona i to kantonalnih javnih preduzeća, javnih ustanova, agencija, zavoda, direkcija sa imenima rukovodilaca i sastavima upravnih i nadzornih odbora uz navedeno i pitanje istim upravljačkim strukturama, ima lica koja obnašaju upravljačku funkciju u više upravnih i nadzornih odbora, nadzor i ocjena bi imala jednu jedinu zadaću, a to da ustanovi kolika je odgovornost menadžera, direktora, predsjednika i članova upravnih i nadzornih odbora u stvaranju gubitka usljed nesavjesnog poslovanja, lošeg vođenja preduzeća, enormnih zaduženja, prekomjernom upošljavanju rječju da se ustanovi koji su menadžeri, direktori, odbori prouzrokovali štetu u navedenim pravnim licima? Nakon ovoga sačinili bi listu menadžera, direktora, članova odbora koji su napravili štetu organizacijama, te bi se istim izrekla zabrana upravljanja i nadzor nad ovakvim i sličnim Kantonalnim organizacijama?"

Nadalje, poslanik pokreće inicijative: "Da resorni ministri na godišnjem nivou vrše ocjenjivanje upravljačkih struktura Kantonalnih organizacija, također, predlažem da se na godišnjem nivou temeljem analiza sačini spisak, od tri najbolje kantonalne organizacije kao i proglašenje najboljeg rukovodioca i sl."

Odgovor:

U skladu sa odredbama Zakona o javnim preduzećima u Federaciji Bosne i Hercegovine ("Službene novine Federacije Bosne i Hercegovine". broj 8/05, 81/08 i 22/09), Skupština Kantona Sarajevo donijela je odluke o osnivanju kantonalnih javnih preduzeća.

Navedenim Zakonom uređuju se određena pitanja upravljanja i poslovanja u javnim preduzećima. Članom 5. je utvrđeno da su organi javnog preduzeća skupština, nadzorni odbor, uprava (menadžment), kao organi upravljanja i odbor za reviziju. Skupština javnog preduzeća, shodno članu 6. Zakona, podnosi općinskom vijeću, skupštini kantona, odnosno Parlamentu Federacije Bosne i Hercegovine izvještaje o radu i poslovanju javnog preduzeća najmanje jednom godišnje.



U ispunjavanju svojih obaveza i odgovornosti nadzorni odbor i uprava dužni su podsticati na odgovorno korištenje i kontrolu imovine i resursa javnog preduzeća. U funkciji nadzora, nadzorni odbor javnog preduzeća vrši detaljno i sistematsko nadgledanje izvršenja bilo kojeg posla ili zadatka odgovornog lica ili druge aktivnosti javnog preduzeća. Cilj nadzora je da se otkrije i nadležnim organima prijavi svaka moguća prijevara ili druga nezakonita aktivnost, te da se pokrene postupak za disciplinsko kažnjavanje i otpuštanje odgovornih lica koja su počinila prekršaj u vezi sa zadacima i poslovima koji su im povjereni. Nadzorni odbor je odgovoran za izradu vjerodostojnih računovodstvenih evidencija i finansijskih izvještaja sačinjenih u skladu sa vežećim zakonima o računovodstvu i reviziji iz kojih je vidljiv finansijski položaj javnog preduzeća, te koji se daje na uvid svim licima koja imaju legitiman interes za poslovanje javnog preduzeća.

Iz naprijed navedenog sasvim je jasno da resorno ministarstvo nema nadležnost revidiranja, realizacije i ocjene poslovnih izvještaja kantonalnih javnih preduzeća, obzirom da su te aktivnosti u isključivoj nadležnosti Skupštine Kantona Sarajevo u okviru razmatranja godišnjih izvještaja o poslovanju kantonalnih javnih preduzeća čiji su sastavni dio izvještaji o radu nadzornih odbora i odbora za reviziju i koja ima legitiman interes za poslovanje kantonalnih javnih preduzeća.

Inicijativa da resorni ministri vrše ocjenjivanje upravljačkih struktura Kantonalnih organizacija kao i proglašenje najboljeg rukovodioca ne može se realizovati putem nadležnog ministarstva.

S poštovanjem,

MINISTAR

Dr Rusmir Sendić

Dostaviti:

1. Naslovu
2. Vlada Kantona Sarajevo
3. Ministarstvo privrede
4. A r h i v a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1





web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

